



SumvitgViva | Caum postal 31 | CH-7175 Sumvitg
info@sumvitgviva.ch | www.sumvitgviva.ch | #sumvitgviva

Statutas dalla uniun SumvitgViva

Nus vulein crear ideas
e sviluppar projects en favur
da nies vischinadi.
sumvitgviva.ch | #sumvitgviva

1. Num e sedia

Sut il num SumvitgViva exista in'uniu tenor ils artechels 60ss CCS cun sedia a Sumvitg.

2. Finamira ed intent dall'uniun

La finamira dall'uniun ei:

- a) da tgirar e promover la cuminonza dil vitg
- b) d'inoltrar propostas d'elecziun, giavischs da preventiv, iniziativas e petiziuns generalas per mauns dils organs da vischnaunca
- c) da promover il svilup dil vitg e la veta sociala da quel
- d) da tgirar il maletg e la cuntrada en ed entuorn il vitg (lavur cumina)
- e) da promover la purschida culturala

L'uniun intenziunescha da contonscher sia finamira ord atgna activitatad ni en collaboraziun e colligaziun cun autres uniuns, instituziuns, ni iniziativas privatas.

3. Commembradi

Commembers dall'uniun san persunas naturalas ni giuridicas daventar. Il commembradi vegn acquistaus cun conclus dalla suprastonza dall'uniun. Il commembradi terminescha cun la declaronza d'extrada sin la fin digl onn calendaric, cun la mort, cun la dissoluziun ni cun la decisiun d'excluder, la quala ei prida dalla radunonza generala muort motivs gravionts.

4. Organs dall'uniun

Ils organs dall'uniun ein:

- a) la radunonza generala
- b) la suprastonza
- c) il post da revisiun

5. Radunonza generala

La radunonza generala deliberescha las suandontas fatschentas:

- a) decretar ni midar statutas
- b) eleger la suprastonza, il president ed il post da revisiun
- c) approbar il protocol dalla radunonza generala
- d) deliberar ed approbar il rendaques annual
- e) fixar las contribuziuns annualas
- f) exclauder commembers muort motivs gravionts
- g) approbar il program da lavur

6. Convocaziun

La radunonza generala vegn clamada dalla suprastonza en cass da basegns, denton silmeins ina ga ad onn. Ina tiarza dils commembers activs sa pre-tender ina radunonza.

Ils commembers vegnan envidai alla radunonza silmeins diesch dis avon cun scriver, e-mail, whatsapp ni auters mieds da publicaziun ni electronics cun aschuntar la giesta da tractandas. Scadina radunonza convocada ei cumpetenta da decider.

Tier la radunonza generala posseda mintga commember ina vusch. La votaziun succeda per regla cun maunpli. Tier equalitatda vuschs decide il president. Hosps ch'ein envidai alla

radunonza generala han negin dretg da vuschar. Davart ils conclus pri vegn menau in protocol.

La suprastonza sa surdar singuls pensums ni incaricas ad auters commembers ni engaschar gruppas da laver cun incumbensas spezialas.

7. La suprastonza

La suprastonza secumpona dil president, dil cassier, digl actuar e dad in tochen treis assessurs. La suprastonza seconstituescha sesezza, cun excepiun dil president. Il temps d'uffeci dils mandataris mutta à dus onns.

Il president meina l'uniun, las radunonzas liquidescha la gestiun da mintgadi. Il cassier meina il quen e presenta quel alla radunonza generala.

Igl actuar reddegia ils protocols dallas radunonzas e sedutas.

In commember dalla suprastonza, per regla igl actuar, funcziunescha sco vicepresident.

9. Convocaziun da sedutas da suprastonza

Las sedutas da suprastonza veggan convocadas dil president. Vegg il president buca suenter a quell'obligazion, san dus commembers da suprastonza clamar tala. La suprastonza ei habla da decider, sch'il pli dil commembers da quella ei presents. Per conclus dalla suprastonza vala il principi da collegialitat.

10. Post da revisiun

Il post da revisiun exista ord maximum dus revisurs da quen. Quels procuran la revisiun dil quen annual. Il temps d'uffeci mutta a dus onns.

8. Incumbensas e cumpetenzas della suprastonza

La suprastonza ha las suandontas cumpetenzas ed incumbensas:

- a) Direcziun dalla gestiun dall'uniun e representaziun anoviers.
- b) Clamar e menar atras la radunanza generala
- c) Preparar ed organisar il program da laver
- d) Administraziun dalla facultad dall'uniun

Alla suprastonza cumpettan tuttas fatschentas ch'ein buca menziunadas en artechel 5 ni ch'ein buca adossa-das expressivamein ad in autre organ.

11. Gestiun finanziala

Las expensas dall'uniun veggan cuvretgas cun

- contribuziuns dils commembers
- donaziuns da sponsurs ed ulterior recav

Igl onn da gestiun ei identics cun igl onn calendaric.

12. Indemnisaziun

Ils organs dall'uniun lavuran voluntari, han denton dabien in'indemnisaziun per cuvierer lur spesas.

13. Suttascripziun

L'uniu s'obligescha entras suttascripziun collectiva dil president ensemencun in ulteriur commember dalla suprastanza.

14. Equalitat dallas schlatteinas

Scadinas funcziuns, nominaziuns ed indicaziuns da persunas en quellas statutas sereferechan sin omisduas schlatteinas.

15. Midadas da statutas

Midadas da statutas san succeder, sche 2/3 dils commembers presents alla radunonza giavisch an quei.

16. Dissoluziun dall'uniu

L'uniu sa vegrir sligida sche 3/4 dils commembers presents alla radunonza giavisch an quei. Il conclus ei da prender dalla radunonza generala. Davart dalla facultad ed igl inventari decida quella radunonza.

17. Vigur

Las presentas statutas ein vegnidas approbadas dalla radunonza da fundaziun dils 7 da settember 2018. Ellas passan immediat en vigur.

Il president:

Martin Monn

Igl actuar:

Sep Benedetg Candinas



versiun 1, uost 2018